



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

Naalakkersuisunut apeqquq:

- 1. Naalakkersuisut ilisimasimavaat Tele Greenland A/S-imi massakut Pisortaanerusoq atorfinitsinniarneqalermat, taanna Savalimmiuni suliffeqarfimmi amigartoortitserujussuarnikuusoq?**
- 2. Apeqquq 1 aappiuppat, sooq taava atorfinitsinniarnera aporfilersornagu Naalakkersuisut isiginnaaginnarsimappat?**
- 3. Apeqquq 1 naamiuppat, Naalakkersuisut piffissaq ungasinnerusoq isigalugu taarsernissaanut suliniutinik aallartitsiniarpat?**
- 4. Apeqquq 3 aappiuppat, Naalakkersuisut suut atorlugit taarserneqarnissaa sulissutiginiarpaat?**
- 5. Apeqquq 3 naamiuppat, Naalakkersuisut piffissaq ungasinnerusoq isigalugu Namminersorlutik Oqartussat selskabiutaasa iluamik aqunneqarnissaat sooq soqutiginnilaat?**

(Inatsisartunut ilaasortaq, Per Rosing-Petersen, Partii Naleraq)

Tungavilersuut:

Inuiaqatigiit aningaasarsiornerata iluani Namminersorlutik Oqartussat selskabiini atorfinitsitsisarnerup ingerlariuseqarnera aaqqissuuteqqittariaqalersimasoq malunnarsiartorpoq. Inuiaqatigiit selskabit pigisaat, Naalakkersuisunit aqunneqaratik tissiataarnerat unitsinniarlugu sinaakutissanik nutarsaaneq ingerlanneqartariaqalersimasoq-aamma malunnarsiartorpoq.

Ajornartorsiutip asiunnginnerani aaqqiiviginissaata siumoortumik iluarsartuunneqarnissaa pisariaqarpoq. Taamaattumik Naalakkersuisutigoortumik Namminersorlutik Oqartussat

selskabiutaanni Pisortaanernik atorfinitsitsisarnermut sinaakkutissanik ammasumik
ersarissumillu sanasariaqalerpugut. Tamakkuninngalu sinaakkutissanik sananermi partiit
tamarmik peqataatinneqarnissaat isumaqarpugut pissusissamisuuinnartoq.

Ullut suliffiit qulit qaangiutinnginnerani akineqarnissara kissaatingaara.